



PRESS SECRETARIAT

MINISTRY OF THE PRIME MINISTER & CABINET

Apia, Samoa

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: presssecretariat@samoa.ws

Press Release

8 Aukuso 2008

1. Talimalo Ofisa Loia Sili mo le Semina Faamasinoga a le Lalolagi mo Soligatulafono Faavaomalo.

Ua faamaonia e le Kapeneta le talimalo o le Ofisa o le Loia Sili i le Semina a le Faamasinoga a le Lalolagi mo Soligatulafono Faavaomalo, o le a faia mai le aso 14 – 15 Aokuso 2008.

O le a talimalo soofaatasi ma faafoeinae e le Ofisa o le Loia Sili ma le Komiti Faavaomalo mo le Koluse Mumu lenei Semina. O mataupu o le a lauliliuina e aofia ai le: Atiina ae o tulaga o le Faamasinoga a le Lalolagi mo Soligatulafono Faavaomalo; Fefaasoaa'i o manatu mo le faatinoga o galuega; Faaitiitia o soligatulafono faavaomalo, e aofia ai ma le faatinoga o le Geneva Convention ma ona aiaiga; Lagolagoina ma le faamamaluina o le Rome Statute; Atiina ae o se auivi faigaluega i le Pasefika mo le faiga o tulafono.

E tolusefulu ma le iva (39) Sui a atunuu eseese o loo faamoemoe e auai mai i lenei fono, e aofia ai Minisita o Vaifafo, Loia Sili, Polofesa faatasi ai ma Sui o le Komiti Faavaomalo a le Koluse Mumu. E ala atu i le Ofisa o le Loia Sili, o le avanoa lenei e faamausali ai le lagolago a Samoa i le Faamasinoga a le Lalolagi mo Soligatulafono Faavaomalo aua le faamatieina o le saogalemu faavaomalo.

2. Fesoasoani Tupe mo le Au a Samoa mo Taaloga Lakapi Faaauasetalia

Ua faamaonia e le Kapeneta le tuuina atu o le vaegatupe e \$10,000 i le Asosi Lakapi o le Aussie Rules mo le auai atu i Tauvaga o le Lakapi Faaauasetalia

Ua silia i le sefulu tausaga o faagasolo Taaloga o le Lakapi Faaauasetalia i totonu o Samoa, ma ua toatele foi fanau ua faamanuiaina ma lauiloa i lenei taaloga.

3. Malaga i Niu Sila Vaega Eseese o le Soifua Maloloina.

Ua faamaonia e le Kapeneta le auai atu o Sui mai vaega eseese o le Soifua Maloloina, e aofia ai le NHS, NKF, MedCEN, Private Sector ma le MOH, i le polokalame ua ta'ua o le Study Tour on Primary Health Care, o le a faia i Aukilani ma Ueligitone mai le aso 16 – 31 Aokuso 2008.

O le faamoemoe o lenei malaga o le siitia pea lea i luga o tomai ma agavaa o i latou o le a malaga aua le lelei o le faatinoga o a latou tiute mo le atunuu lautele. O le Vaega o le Primary Health Care e fesootai uma iai vaega nei o le Soifua Maloloina.

E toaiva Sui mai vaega eseese o le Soifua Maloloina o loo faamoemoe e malaga atu mo lea polokalame, ma o le Sususga ia Maatasesa Samuelu-Mathes, le taiulu mo le Vaega Aoa o Galuega Faatausimai i le Auaunaga Faale Soifua Maloloina, o le a avea ma taitai o le aumalaga.

4. Fanua Tanu Fou i Tafaigata.

Ua finagalo le Kapeneta ina ia tuuina atu aloaia le fanua tanu fou i Tafaigata mai le Faalapotopotoga e Pulea Fanua a Samoa i le Matagaluega o Punaoa Faanatura ma le Siosiomaga.

E 23 ma le afa eka le telē o lenei fanua ma ua faatatauina mo se fanua tanu mo le itu i Sisifo o le taulaga. Ua maea faia galuega mo le faamamāina ma faalaugatasia. Ua fausia foi le pa u'amea mo lona siomia faapea lona faitotoa ma'a ma le igoa o le fanua tanu o loo faapipii i le faitotoa.

5. Vaevaega Fou o Fanua i Falelauniu.

Ua faamaonia e le Kapeneta le vaevaega fou o fanua i Falelauniu.

E 180 eka sa lisiina e Leali'ie'e ma Westerlund i le 1969 ma ua toe faafoi mai le 140 eka i le Faalapotopotoga e Pulea Fanua a Samoa.

O lenei vaevaega e tulaga ese i vaevaega uma. O le ogaeleele lenei e tasi ua tuufaatasia i ai fanua ma pisinisi, fanua mo Ekalesia, faapea ma fanua e lisiina mo i latou e vaivai le tamaoaiga ma ua faia ai ni aiaiga faapitoa e faatau motu ai.

Government Press Secretariat.